

No. 320. 1456. 20. Febr.

B. Johann von Merseburg genehmigt, dass die Gebrüder von Lindenau ein Holz, der Cammermeisterin Holz genannt, dem Rathe zu Leipzig auf einen Wiederkauf verkauft haben und behält sich eventuell das Wiedereinlösungsrecht vor.

Wir Johannes von gots gnaden bischoff zcu Merseburg bekennen —, das vor vns komen sind die gestrengen er Albrecht von Lyndenow ritter vnser heymlicher vnd Hans vnd Borcard alle gebrudere gnant von Lyndenow vnser lieben getruwen vnd vns erzailt, wie sie vor sich vnde ire erben vnd erbnemen durch irer notorfft willen recht vnd redelich verkoufft haben den ersamen wisen dem rathe zcu Lypezk vnd iren nochkomen vff eynen widerkouff eyn holec gnant der Cammermeistern holec hinder der zeigelschunen an der vyheweyde^{a)} vor Lypezk gelegen mit synen nutzungen vnd zeugehorungen von vns vnd vnserm stifte zeulehen rurende, des die zciit disses kouffs zeugebruchen vnd zeugnysßen, vnd haben on das gegeben vor vier vnd dachezig nuwe schog, die die gnanten von Lyndenow zo ingnomen vnd in iren vnd irer erben nutez vnd fromen gekart vnd gewant haben, sollichen widerkouff die vorgnanten von Lyndenow vnd ire erben welche cziit adir tages on das ebene adir beqweme ist tun mogen, zo das sie danne dem gnanten rathe zcu Lypezk sodtane vier vnd dachezig nuwe schog hoibtsummen in irer stad Lypezk bezalen vnd des guten willen machen vnd dornoch das guante holec in ire gewere wider nemen sollen; vnd die gnanten von Lyndenow verkoiffer haben vns vlissig gebeten, das wir zcu solchem obingeschrieben widerkouffe vnser gunst vnd willen gebin wolden. Also haben wir der obgnanten ern Albrechts von Lyndenow vnd syner bruder willige vnd getruwe dinst, die sie vns vnd vnserm stifte getan haben vnd noch tegelichen tun mogen, angesehen vnd hirane ire vlissige bethe erhört vnd zcu dem gnanten widerkouffe — vnser gunst willen vnd volbort gegeben, — doch also, weres sache, das die vilgnanten von Lyndenow vnd ire erben sulch holec bynnen eyner zciit vns von on verschreiben nicht losen ader widerkoiffen wurden, das alsdanne wir adir vnser nochkomen bischove zcu Merseburg adir weme wir adir vnser nochkomen das gunnen wurden welche cziit vns das ebent das obgnante holec von dem rathe zcu Lypeck vmbe solch geld, als is itcz verkoufft ist, zcu vns vnd vnserm stifte widerkoiffen mogen ane idermans insprache. Des zcu bekentnisse haben wir vnser insigel an dissen briff lassen hengen.

Vnd wir gnanten Albrecht von Lyndenow ritter, Hans vnd Borcard alle gebrudere bekennen semptlich vor vns vnser erben vnd erbnemen, das wir den erwirdigen ingotuator vnd herrn herrn Johanne bischoffen zcu Merseburg vnsern gnedigen lieben herrn vlissig vnd demutiglich gebeten haben, zcu solchem widerkouffe, als wir dem rathe zcu Lypezk vnser holec gnant der Cammermeistern holec wie obingeschrieben steht verkoufft haben, syne gunst willen vnd volbort zeugeben, das danne sine gnade getan hat. Des zcu warem bekentnisse haben wir gnanten

a) Vor dem Rannstädter Thore.